

## II - ARABAKO LURRALDE HISTORIKOAREN TOKI ADMINISTRAZIOA

### SARATXOKO ADMINISTRAZIO BATZARRA

#### Behin-betiko onartzea hondakin uren saneamenduaren tasak arautzen dituen zerga ordenantza

Kontzeju honek, 2016ko otsailaren 28ko bilkuran, hasierako onarpena eman zion hondakin uren saneamenduaren tasak arautzen dituen zerga ordenantza onartzeko espedienteari. Espediente hori jendaurrean egon den bitartean erreklamaziorik aurkeztu ez denez gero, behin betiko onartzen da. Ondorioz, Toki Araubidearen Oinarriak arautzen dituen apirilaren 2ko 7/1985 Legearen 70.2 eta 111. artikuluek eta Toki Ogasunak arautzen dituen 41/1989 Foru Arauaren 16. artikulua ezartzen dutenaren ondorioetarako, ordenantza oso-osorik ematen da argitara, indarrean jar dadin.

#### Hondakin uren saneamenduaren tasak arautzen dituen zerga ordenantza

##### I. Xedapen orokorra

##### 1. artikulua

Saratxoko Administrazio Batzarrak, Arabako Lurralde Historikoko kontzejuen Foru Arauaren 6.b) eta 35.b) artikuluetan jasotakoaren arabera dauzkan ahalmenez baliatuz eta hori Arabako zergei buruzko Foru Arau Orokorraren 1. artikuluaekin loturik, ordenantza honen enuntziatuan aipatzen den tasa ordainaraziko du.

##### 2. artikulua

Ordenantza hau jurisdikzio osoan aplikatuko da.

##### 3. artikulua

Estolderia izan behar duen eraikin bat egin nahi duen pertsona edo erakunde orok administrazio batzarreko lehendakariari edo fede emaileari jakinaraziko dio sare nagusiarekin lotzeko asmoa duela.

Horretarako, eskatzaileak, alde zurretik, obretarako udal baimena aurkeztu beharko dio administrazio batzarreko lehendakariari.

##### 4. artikulua

Eskatzaileak administrazio batzarreko zerbitzu teknikoek adierazten dizkieten araei jarraituz egingo ditu sare nagusiarekin lotzeko lanak. Hartunea bide publikoetatik edo ezarritako zortasun zonetatik egingo da, eta eskatzaileak, era berean, zanga beteko du berriro, administrazio batzarraren araei jarraituz.

Hartuneak sortutako gastuak eskatzailearen kontura izango dira. Zerbitzuaren erabiltzaileak, higiezinaren eraikitzaileak edo finkaren jabeak kontratatu eta ordainduko ditu adarraren edo, hala badagokio, hodi biltzailearen ezaugarriak eta hura instalatzeko, mantentzeko eta maneatzeko lanak, betiere administrazio batzarraren zerbitzu teknikoen ikuskatze aginpidearen menpe eta alde zurretik dagokion obra baimena aurkeztuta.

Era berean, saneamendu sarea egin ondoren, hura administrazio batzarrarena izango da, eskatzailearen finkaren barruan dagoen zatia izan ezik.

## II. Zerga egitatea

### 5. artikulua

1. Hona hemen tasaren zerga egitatea:

a) Estolderia sare orokorrean egin beharreko hartuneak baimentzeko baldintza tekniko eta administratiboak betetzen diren ala ez egiaztatzeko jarduera.

b) Iraizkinak, euri urak, ur beltzak eta hondakin urak tokiko estolderia sarearen bidez bideratzeko zerbitzua eta haiek arazteko tratamendua.

c) Ikuskapeneko eta ezaugarri teknikoak egiaztatzeko lanak eta, oro har, 4. artikuluan adierazten direnak.

2. Ez dute tasa ordaindu beharrik izango hondatutako finkek, aurri egoeran deklaraturakoek edo orube edo lurzoru direnek.

3. Hartunetzat ulertzen da kasuan kasuko higiezinetik ateratzen den adarra edo, hala badagokio, hodi biltzailea, administrazio batzarraren estolderia sare orokorraren hodi biltzailera bideratzen dituen ur zikinak, hondakin urak edo antzekoak.

## III. Subjektu pasiboa

### 6. artikulua

Hauk dira subjektu pasibo zergadunak:

1. Arabako zergei buruzko Foru Arau Orokorreko 35. artikuluan aipatzen diren pertsona fisiko eta juridikoak eta erakundeak:

a) Sarean hartunea egiteko baimena emateko bada, finkako bizileku erabilgarriaren jabea, gozameduna edo titularra.

b) 5. artikuluko 1. b) zenbakiko zerbitzuak emateko bada, kontzejuko finken okupatzaile edo erabiltzaileak, zerbitzu horiek jasotzen dituztenak hain zuzen, zernahi direla ere: jabe, gozamedun zein errentadun, baita prekarioko erabiltzaile ere.

2. Edonola ere, etxebizitza edo lokalen okupatzailearen edo erabiltzailearen ordezkotako subjektu pasiboa izango da higiezin horien jabea, eta, hala balegokio, zerbitzuaren onuradunei jasanarazi ahal izango dizkie bere ordaindutako kuotak.

### 7. artikulua

Erantzuleak.

Subjektu pasiboaren zerga betebeharrangatik era solidarioan erantzungo dute Arabako zergen Foru Arau Orokorreko 41. eta 42. artikuluetan aipatzen diren pertsona fisiko edo juridikoak.

## IV. Zerga oinarria

### 8. artikulua

Zerbitzua gauzatzen den unitate bakoitza izango da zerga oinarria, tarifan ezarritako moduan.

## V. Kuota

### 9. artikulua

Zerga kuota:

1. Estolderia sare orokorrarekin lotzeko lizentzia edo baimenaren zerga kuota behin bakarrik eskatuko da, eta eranskinean agertzen den kopurua ordainduko da.

2. Estolderia eta arazketa zerbitzuak emateagatik eskatu beharreko zerga kuota zehaztuko da finkan erabilitako ur kopuruaren arabera, metro kubotan neurtuta. Horretarako, eranskinean agertzen den tarifa aplikatuko da.

**10. artikulua**

Salbuespenak eta hobariak.

Ez da inolako salbuespenik egingo, ez eta inolako hobaririk aplikatuko ere, tasa hau kobratzean.

## VI. Sortzapena

**11. artikulua**

Obligazioa sortzea:

1. Zerga egitatea eratzen duen udal edo jurisdikzio jarduera hastean sortzen da tasa eta tasa hori ordaindu beharra. Hona hemen noiz jutzen den hasitzat:

a) Hartunearen baimen eskaera aurkezten den egunean, subjektu pasiboak berariaz hala eskatzen badu.

b) Hartunea udal estolderia sarean egiten den unean bertan. Hartunerako baimena lortu zein ez sortzen da tasa mota hori ordaindu beharra, baimena emateko administrazio espedientea hasi beharra izan arren.

2. Iraizkinak, euri urak, ur beltzak eta hondakin urak husteko zerbitzuak, bai eta haiek araztekoak ere, derrigorrezkoak dira kontzejuko finka guztietarako, baldin eta estolderia dagoen kaleetara, plazetara edo bide publikoetara ematen duten fatxadak badauzkate, betiere sarearen eta finkaren arteko distantzia ehun metro baino gutxiago izanda. Nahiz eta interesdunek ez egin hartunerik sarean, ordaindu egin beharko dute tasa.

## VII. Kudeaketa

**12. artikulua**

Estolderia zerbitzua kudeatzeko lana Saratxoko Administrazio Batzarrak egiten du; hain zuzen ere, hondakin urak araztu eta hobi septikoak eta estolderia sareak garbitu. Ez da garbituko sare orokorrerako hartuneei buxadurarik, eta beste edozein zerbitzu ere ez da emango.

1. Zergadunaren ordeztu diren subjektu pasiboek altaren eta bajaren aitortpenak egin beharko dituzte tasaren subjektu pasiboen erroldan, finkaren titularitatea aldatzen den egunetik hurrengo hilaren azken egunera bitartean. Altaren eta bajaren aitortpenak egiteko epea amaitu ondoren egingo den lehenengo likidazioaren egunetik aurrera izango dute indarra esandako aitortpenek. Erroldan lehenengo aldiz sartzea ofizioz egingo da, sarerako hartunearen baimena eman ondoren.

2. Tasa honetarako eskatutako kuotak edateko uraren hornidura eta kontsumoaren ordainagiriari aldi eta epe beretan likidatu eta kobratuko dira.

3. Hartunerako baimenaren kasuan, zergadunak hartarako eskaera egingo dio administrazio batzarrari, eta baimena eman ondoren administrazio batzarrak berak egingo du likidazioa, eta jakinarazi egingo du zuzenean ordain dadin Dirubilletako Erregelamendu Orokorrek adierazten duen moduan eta epeetan.

## VIII. Arau-haustek eta zehapenak

**13. artikulua**

Zergen arau haustek kalifikatzeari dagokion guztian, bai eta arau hauste bakoitzari dagokion zehapenen kasuan ere, Arabako zergei buruzko Arau Orokorrek xedatutakoari jarraituko zaio.

## IX. Azken xedapena

Ordenantza hau eta bere eranskina, zeinak 2016ko otsailaren 28an onartu baitziren behin betiko, ALHAOn argitaratu eta hurrengo egunean sartuko dira indarrean, eta indarrean jarraituko aldatzea edo indargabetzea erabaki arte.

**I. eranskina**

Tarifak

Kontsumotik aparte ordaindu beharreko kuota finkoa: 3 euro (seihilekoa)  
hartune berriagatik ordaindu beharreko tasak: 300 euro.

Saratxo, 2016ko abuztuaren 31

*Lehendakaria*

*LOURDES CUADRA QUINTANA*